



Broj: 02/06-04-20875-6/24
Datum: 10.10.2024. godine

Na osnovu člana 70. stav (1) Zakona o javnim nabavkama BiH („Sl. glasnik BiH“, br. 39/14, 59/22 i 50/24), sekretar Ureda za zajedničke poslove kantonalnih organa, donosi:

ODLUKU o izboru najpovoljnijeg ponuđača

Član 1.

Prihvata se preporuka Komisije za javnu nabavku iz Zapisnika o ocjeni broj: 02/06-04-20875-5/24 od 08.10.2024. godine u postupku javne nabavke usluga servisiranja računarske opreme i nabavke rezervnih dijelova, te se kao najpovoljniji ponuđač bira „**Neutrino**“ d.o.o. Tuzla, koji je jedini i dostavio ponudu broj: 252/24 od 04.10.2024. godine uz ponuđenu cijenu od **150,00 KM (bez PDV-a)** i rokom plaćanja od **šezdeset (60) dana**, s tim da će se okvirni sporazum, ukoliko budu ispunjeni svi zakonski uvjeti, zaključiti do visine procijenjene vrijednosti nabavke u iznosu od **504.650,00 KM (bez PDV-a)**.

Član 2.

Okvirni sporazum se zaključuje na period od 24 mjeseca.

Član 3.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka nabavke broj: 02/06-04-20875/24 od 22.08.2024. godine, a javna nabavka je provedena putem otvorenog postupka. Izbor ponuđača izvršen je na osnovu kriterija ekonomski najpovoljnija ponuda. Procijenjena vrijednost javne nabavke iznosila je 504.650,00 KM (bez PDV-a). Obavještenje o nabavci broj: 1116-1-2-29-3-54/24 objavljeno je na portalu javnih nabavki 23.18.2024. godine.

Komisija za provođenje postupaka centralizovanih javnih nabavki imenovana Rješenjem o imenovanju Komisije broj: 02/06-30-21515/24 od 01.07.2024. godine, izvršila je otvaranje ponude dana 08.10.2024. godine, a nakon izvršenog vrednovanja, Komisija je ugovornom organu dostavila Zapisnik o ocjeni ponude sa preporukom i izvještajem broj: 02/06-04-20875/5/24 od 08.10.2024. godine, iz kojeg je utvrđeno da je Komisija za javnu nabavku blagovremeno i pravilno izvršila otvaranje pristigle ponude, o čemu je sačinila odgovarajuće zapisnike, u kojima je utvrđeno da je ponuda ponuđača „Neutrino“ d.o.o. Tuzla

blagovremena te da je prihvatljiva i ispunjava sve uslove i zahtjeve iz tenderske dokumentacije.

Kriterij za dodjelu ugovora je ekonomski najpovoljnija ponuda sa utvrđenim podkriterijima, ukupnom cijenom ponude bez PDV-a i rokom plaćanja.

Shodno ocjeni ponude, ustanovljeno je da ponuda ponuđača „Neutrino“ d.o.o. Tuzla ispunjava sve uslove predviđene tenderskom dokumentacijom i kao jedini ponuđač za predmetnu nabavku je ostvario maksimalan broj bodova kako slijedi:

Redn i broj	Naziv ponuđača	Ukupna cijena sa popustom bez PDV-a (KM)	Rok plaćanja (dana)	Broj bodova na cijenu	Broj bodova na rok plaćanja	Ukupan broj bodova
1	„NEUTRINO“ d.o.o. Tuzla	150,00	60	90	10	100

Komisija za javne nabavke je dala preporuku da se kao najpovoljniji, a ujedno i jedini ponuđač, izabere „Neutrino“ d.o.o Tuzla, ponuda broj: 252/24 od 04.10.2024. godine za ponuđenu cijenu od 150,00 KM (bez PDV-a) i rokom plaćanja od šezdeset (60) dana. Okvirni sporazum će se zaključiti do visine procijenjene vrijednosti u iznosu od 504.650,00 KM (bez PDV-a), obzirom da su se prilikom ocjene ponude vrednovale samo ukupne cijene normi sata za predviđene vrste usluga, a okvirni sporazum obuhvata i nabavku rezervnih dijelova, čije se vrste i obim, odnosno količine nisu mogle predvidjeti.

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Budući da je ponuda ponuđača „Neutrino“ d.o.o. Tuzla jedina koja je dostavljena, a ujedno je prihvatljiva i ispunjava sve uslove i zahtjeve predviđene tenderskom dokumentacijom za predmetnu nabavku, odlučeno je kao u članu 1. dispozitiva ove Odluke.

POUKA O PRAVNOM LIJEKU:

Protiv ove Odluke može se izjaviti žalba URŽ-u putem ugovornog organa, najkasnije u roku od deset (10) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.



SEKRETAR

Zdenka Marijanović
Zdenka Marijanović, dipl. pravnik

Dostaviti:

- „Neutrino“ d.o.o. Tuzla
- a/a